

王強 主編

近代世界史文獻叢編

46



廣陵書社

近代世界史文獻叢編
46



廣陵書社

貴州師範學院內部使用

第四十六册

日本源流考(二) 王先謙撰 清光緒二十八年 長沙王氏家刻本……………

日本源流考卷八

長沙王先謙益吾撰

圓融天皇

宋史日本傳次守平天皇卽今王也凡六十四世

年代紀

日本史圓融天皇諱守平村上第五子冷泉同母弟也天德三年三月丁未生十月爲親王康保三年八月始讀孝經四年九月冷泉踐阼立爲皇太弟安和二年八月戊子受禪於襲芳舍立皇姪師貞親王爲皇太子詔太政大臣實賴攝政左大臣兼左近衛大將藤原師尹右大臣藤原在衡大納言兼右近衛大將藤原伊尹如故庚子尊冷泉帝曰太上天皇追尊皇太后曰太皇太后九月甲子遷御清涼殿丁卯卽位於太極殿時年十一

庚三午天祿元年日本史春三月丙寅改元大赦夏五月戊午攝政

太政大臣實賴薨庚申以右大臣藤原伊尹攝政

辛酉天祿二年日本史春二月癸卯始行石清水臨時祭著爲永

式冬十一月甲午以右大臣伊尹爲太政大臣攝政如故

壬戌天祿三年日本史春正月甲午加元服於紫宸殿冬十一月

丁巳朔太政大臣藤原伊尹薨

癸亥天延元年日本史秋七月壬子尊冷泉皇后曰皇太后立女

御藤原煌子爲皇后冬十二月庚子改元赦

甲子天延二年日本史春二月丁未以內大臣藤原兼通爲太政

大臣三月乙亥以兼通爲關白冬十一月乙亥朔日南至壬辰赦

乙亥天延三年和漢年契武德殿火天變數見

丙子貞元元年日本史春正月改元夏五月丁丑禁內火

六月甲辰詔減服御常膳蠲除諸國天祿三年以前逋負免天下

徭半癸丑地大震天皇出南庭避之周幄爲御座

丁丑貞元二年日本史秋七月戊子宮成徙御冬十月戊辰太政大臣兼通罷關白以左大臣藤原賴忠爲關白十一月甲午以太政大臣兼通病大赦是日兼通薨

戊寅天元元年日本史春正月海賊殺備前介橘時望冬十月甲

寅以左大臣賴忠爲太政大臣關白如故十一月庚戌改元大赦

己卯天元二年日本史春三月丙午謁石清水石清水行幸始於

此夏五月庚子下野言前武藏介藤原千常與源肥等構兵相鬪

六月庚戌皇后藤原氏崩乙卯葬堀河皇后

庚辰天元三年日本史秋七月丙辰大雨洪水東西京民舍多漂

流冬十一月辛酉禁內火殿舍悉燒天皇避之中院徙御職曹司諸衛警固丁卯詔減服御常膳免五畿七道諸國調庸逋負及天

下徭半修法兵衛府

辛六 天元四年日本史春二月戊子行幸平野社加社司爵平野
行幸始於此三月庚申詔免營造宮城諸國今年租半秋七月壬
寅徙御四條後院九月丁未徙自後院御職曹司冬十月辛卯宮
成徙御

壬七 天元五年日本史春二月辛巳先是海賊大起調庸路梗至
是益熾劫掠行旅丙戌伊豫言獲賊魁能原兼信及黨與十五人
是月京師多盜放火劫人三月癸卯立女御藤原遵子爲皇后冬
十一月乙巳夜禁內火遷御職曹司丙午諸衛警固十二月壬午
遷自職曹司御堀河後院和漢年契獻山府然入宋

癸八 永觀元年日本史春二月丁未捕京畿私帶弓箭兵仗者案
之夏四月庚子改元大赦

甲雍熙 永觀二年日本史秋八月甲辰天皇讓位於皇太子九月

上尊號曰太上天皇稱後太上天皇以別冷泉上皇寬和元年八

月違豫薙髮法名金剛法九月徙自堀河院御圓融院以十僧啟

行僧正寬朝從焉二年三月幸東大寺受具足戒永延二年十月

幸延麻寺灌頂受戒正麻二年二月癸丑崩於圓融院年三十二

遺詔停素服舉哀及置山陵國忌火葬圓融寺北原藏御骨於村

上山陵側是爲後村上陵稱圓融院讓位之後幸紫野爲子日遊

又幸大井河詩歌管絃三船分科風流文雅後世稱焉又后藤原

皇子關白兼藤原遵子關白賴藤原詮子關白兼妃尊子內親王

冷泉子一詮子生一條帝

華山天皇一作花山

日本史華山天皇諱師貞冷泉長子也母贈皇太后藤原懷子安

和元年十月丙子生於外祖大納言伊尹一條第十二月爲親王
二年八月圓融受禪立爲皇太子十一月入居凝華舍貞元二年
三月始讀書天元五年二月冠永觀二年八月甲辰皇太子受禪
於堀河院是日徙御新宮立圓融帝子懷仁親王爲皇太子關白
太政大臣賴忠左大臣源雅信右大臣藤原兼家權大納言兼左
近衛大將藤原朝光權大納言兼右近衛大將藤原濟時並如故
九月丙辰尊圓融帝曰太上天皇冬十月丙戌天皇卽位於太極
殿時年七十一月壬辰追尊所生女御藤原氏曰皇太后癸卯
詔曰一人之耳不能盡聽天下一人之目不得廣視域中是以古
之王者或問謗譽於途有邪必正或採曠言於市有善則行朕在
東闕十餘年猶當少日臨北闕四五月旣親萬機朕粗聞前事彌
圖後治頃年蒼蒼屢降水旱之災元元動勞土木之役倉廩已竭

田園自荒遊手浮食者多好儉處約者少書曰木從繩則正后從諫則聖夫人主者以納敢諫爲先人臣者以進讜言爲任彼廣德之戒樓船終就其安朱雲之折殿檻永令無理且夫國之將興也上下聚脣國之將廢也道路以目至如破家爲國面折尸諫者是朕之願也於戲莫道澆季之俗試忘身而扶之莫言疲極之民強戮力而濟之人和天且和民足君可足晉平公問叔向曰國之患孰爲大對曰大臣重祿不諫小臣畏罪不言下情不上通此患之大者也靖而思之誠哉斯言宜令公卿大夫及京官外國五位以上職居官長秀才明經課試及第名爲儒士者各上封事匡朕不逮卿等自慮中心廣詢眾庶不失寡婦忘緯之說莫遺匹夫炙背之談凡國之利害政之得失盡露其膽以沃朕心既容不諱之詞欲聞無隱之議是月詔減服御常膳

宋史日本傳雍熙元年日本國僧裔然與其徒五六人浮海而至獻銅器十餘事並本國職員今王年代紀各一卷裔然衣綠自云姓藤原氏父爲眞連其國五品品官也裔然善隸書而不通華言問其風土但書以對云國中有五經書及佛經白居易集七十卷並得自中國其年代紀所載分注歷朝紀年下自卷一始太宗召見裔然存撫之甚厚賜紫衣館於太平興國寺上聞其國王一姓傳繼臣下皆世官因歎息謂宰相曰此島夷耳乃世祚遐久其臣亦繼襲不絕此蓋古道也中國自唐季之亂寓縣分裂梁周五代享祿尤促大臣世胄鮮能嗣續朕雖德慙往聖常夙夜寅畏講求治本不敢暇逸建無窮之業垂可久之範亦以爲子孫之計使大臣之後世襲祿位此朕之心焉其國多有中國典籍裔然之來復得孝經一卷越王孝經新義第十五一卷皆金鑲紅羅襖水晶爲軸孝經卽鄭氏注者

越王者乃唐太宗子越王貞新義者記室參軍任希古等撰也。爾然復求詣五臺許之。令所過續食。又求印本大藏經。詔亦給之。二年隨台州甯海縣商人鄭仁德船歸其國。後數年仁德還。爾然遣其弟子喜因奉表來謝曰。日本國東大寺大朝法濟大師賜紫沙門。爾然啟傷鱗入夢。不忘漢主之恩。枯骨合歡。猶亢魏氏之敵。雖云羊倖之拙。誰忍鴻需之誠。爾然誠惶誠恐。稽首頓首。死罪。爾然附商船之離岸。期魏闕於生涯。望落日而西行。十萬里之波濤。難盡願。信風而東別。數千重之山嶽。易過。妄以下根之卑。適詣中華之盛。於是宣旨頻降。忝許荒外之跋涉。宿心克協。粗覩寓內之環奇。況乎金闕曉後。望堯雲於九禁之中。嚴扃晴前。拜聖鐙於五臺之上。就三藏而稟學。巡數寺而優游。遂使蓮華回文。神筆出於北闕之北。貝葉印字。佛詔傳於東海之東。重蒙宣恩。忽趁來迹。季夏

解台州之纜孟秋達本國之郊爰逮明春初到舊邑緇素欣待侯伯慕迎伏惟陛下惠溢四溟恩高五嶽世超黃軒之古人直金輪之新翕然空辭鳳凰之窟更還螻蟻之封在彼在斯止仰皇德之盛越山越海敢忘帝念之深縱粉百年之身何報一日之惠染筆拭淚伸紙搖魂不勝慕恩之至謹差上足弟子傳燈火法師位嘉

因

前作喜此作嘉必有一誤

并大朝剃頭受戒偕祚乾等拜表以聞稱其本國

永延二年歲次戊子二月八日實端拱元年也又別啟貢佛經納青水函琥珀青紅白水晶紅黑木榧子念珠各一連並納螺鈿花形平函毛籠一納螺杯二口葛籠一納法螺二口染皮二十枚金銀蒔繪筥一合納髮鬘二頭又一合納參議正四位上藤佐理手書二卷及進奉物數一卷表狀一卷又金銀蒔繪硯一筥一合納金硯一鹿毛筆松煙墨金銅水瓶鐵刀又金銀蒔繪扇筥一合納

檜扇二十枚蝙蝠扇二枚螺鈿梳函一對其一納赤木梳二百七十共一納龍骨十櫟螺鈿書案一螺鈿書几一金銀蒔繪平篋一合納白細布五匹鹿皮籠一納貂裘一領螺鈿鞍轡一副銅鐵燈紅絲鞦泥障倭畫屏風一雙石流黃七百斤

乙酉二寬和元年日本史夏四月先是左兵衛尉藤原齊明傷彈正少弼大江匡衡而亡至是官符諸國捕得誅之辛丑改元

丙三寬和二年日本史夏六月庚申夜潛出宮入華山元慶寺藏人藤原道兼僧嚴久從之道兼使左近衛少將藤原道綱奉劔璽於皇太子翌日天皇披剃爲僧法名入覺皇太子受禪上太上天皇尊號不受帝初親任權中納言藤原義懷權左中辨藤原惟成委決庶政以故紀綱振肅太宰府有私帶兵者卽位僅十日府中無帶者然而淫佚輕佻多納王卿女恩眷無常至納女御恠子寵

傾後宮及其卒悲不自勝遇事感愴有厭棄塵累之心適會所在男女無故多爲僧尼帝聞之心益動又爲藤原道兼所誑遂及於此常居元慶寺持律精嚴幸書寫山見僧性空登比叡山受同心戒徧歷名山古刹其幸熊野也徒步抖擻備極艱苦至病臥海濱作歌自歎數年之後入京居祖母家稍近婦女志操遂變初不受尊號故不得年官年爵封戶及其居京東三條女院與藤原道隆相議奏請裁置法皇心愈安焉常憚藤原道長欲得其歡心子賴通充春日祭使會天大雪道長念之作歌法皇聞之亦作歌慰藉之道長嘗觀賴通賀茂祭使行裝法皇駕塗金車盛飾從奴數過道長棚閣前以見款曲道長大喜以故奉承周密其家設競馬遊請法皇臨觀法皇性有巧思宮室器翫勦意出奇好和歌其所親撰有拾遺集寬宏五年二月己亥崩於華山院年四十一遺詔停

素服舉哀葬於紙屋川上法音寺北稱華山院又女御藤原悌子

太政大臣
爲光女

藤原姚子

左近衛大將
朝光女

藤原諲子

關白賴
忠女

婉子女王

爲平
親王

女平平子

若狹守
祐忠女

子四平子生昭登親王平子母中務帝乳母女

也生清仁親王又僧深觀僧覺源不詳母氏

一條天皇

日本史一條天皇諱懷仁圓融子也母東三條院藤原詮子天元三年六月壬申朔生於外祖右大臣藤原兼家東三條第八月爲親王永觀二年八月華山受禪立爲皇太子入居凝華舍寬和二年夏六月華山遜位傳劍璽於凝華舍辛酉皇太子受禪以右大臣藤原兼家攝政太政大臣賴忠左大臣源雅信權大納言兼左近衛大將藤原朝光權大納言兼右近衛大將藤原濟時並如故秋七月辛未尊皇太后曰太皇太后所生女御藤原氏曰皇太后

大赦壬午立華山帝弟居貞親王爲皇太子戊子天皇卽位於太極殿時年七歲八月癸亥敕太宰府召還在宋僧裔然冬十二月壬寅始讀書

丁酉

永延元年日本史春二月甲辰僧裔然還自宋夏四月丁酉

改元

戊端拱
子元

永延二年日本史夏六月丁巳禁僧徒從者踰制著奇服

挾短兵

己丑

永祚元年日本史春三月癸卯行幸春日社春日行幸始於

此夏六月乙亥太政大臣賴忠薨秋八月丙辰改元九月丁未以僧餘慶爲延麻寺坐主僧徒不奉命拒敕使壞宣命冬十月丁丑遣使延麻寺宥僧徒罪十二月丁卯以兼家爲太政大臣攝政如故